

An Exposition of the
Seven Church Ages

Chapter Two

Ditatelano Patemose

Johane a le kwa Patemose (Tshenolo 1:9-20)

Tshenolo 1:9,

Nna Johane, mogalona, le yo ke tlhakanetseng le lona pitlagano ya ga Jesu, le bogosi, le bopelotelele jwa gagwe, ke ne ke le mo setlhakeng se go tweng Patemose, ka ntlha ya lefoko la Modimo le tshupo ya ga Jesu."

Ditatelano tse tsa diponatshegelo tsa Tshenolelo ya Motho yo eleng Jeso Keresete di ne tsa neelwa Johane fa a kobetswe kwa setlhaketlhake se se bidiwang Isle of Patmos. Sethakethake se sennye se se bokgakala jwa dimmaele di le masome a mararo gotswa kwa letshitshing la Asia Minor kwa lewatlang le le bidiwang Aegean Sea. Ka Se ne se tletse mantswe gape se na le dinoga tse di ntsi, le bommantseane le mashokgwa a mantsi, go ne go sena kgwebo e ntsi teng, jalo se ne se dirisiwa ke Bogosi jwa Roma jaaka motsana o ba neng ba isa magolegwa a a atlholetsweng melato e megolo, magolegwa a sepolotiki lalo jalo.

Le tla lemoga gore Johane o setse a ikaile mo Bakereseteng e le mokaulengwe yo o mo pitlaganong. E ne e le ka nako e kereke ya gale e neng e le mo dipodisegong. Bodumedi jwa bone bo ne bo se fela "gore gongwe le gongwe go ne go buiwa kgatlhano le jone" mme batho ka bo bone ba ne ba tshwarwa ba tsenngwa mo kgolegolong gape ba bolawa. Johane, jaaka bontsi jwa ba bangwe, o ne a bogiswa ke kgolegelo ka lobaka la Lefoko la Modimo le bopaki ka ga Jeso Keresete. Fa a ne a tshwarwa, ba ne ba lekela lefela go mo bidisa mo mafureng a a belang mo lobakeng la dioura dile masome mabedi le bone, mme ba ne ba palelwa ka a ne a seka a diragalelwa ke sepe. Badiredi ba ba neng ba tenegile ba ne ba palelwa ba bo ba mo atlholela go ya kwa kgolegolong kwa Patemose jaaka moloi Mme Modimo o ne a na le ene, mme o ne a namolwa mme a tswa kwa setlhakatlhakeng mme a boela kwa Efeso kwa a neng a tswelela gape e le moruti go fitlhelela nako ya loso la gagwe.

Diponatshegelo tse Johane a neng di amogela di ne tsa tsaya lobaka la dingwaga tse pedi, AD 95-96. Ke diponatshegelo tse di kgatthisang le go gakgamatsa mo diponatshegolong tsotlhe mo Lefokong. Lokwalo lotlhe le tlhomilwe ka go dirisa ditshwantsho, mme jalo le kwaisitswe ke bakgadi le baganetsi. Le fa gontse jalo, le na le sekano sa Modimo mo go lone. Moo go le dira gore le nne ka tlhomamo le gonna boleng jo bogolo fela thata mo go botlhe ba ba balang ditsebe tse di boitshepho tsa lone kana go le reetsa.

Mo Moeng Ka Letsatsi la Morena.

Tshenolo 1:10,

Ka bo ke tsenywe ke Mowa ka letsatsi la Morena, mme ka utlwa lentswe le legolo kwa morago ga me, e kete la lonaka."

"Ka bo ke tsenywe ke Mowa." A seo ga se selo se sentle? Hei, ke rata seo tota. O ka bitsa mafoko ao otlhe wa re ke, "Botshelo jotlhe jwa Sekeresete." Fa e le gore re a go tshela jaaka Bakeresete, re tshwanetse gore re nne mo MOWENG WA GAGWE. Johane o ne a sa bue ka go nna mo moweng wa gagwe. Seo se kabo se sa tlisa diponatshegelo tse. Go ne go tshwanela ke go nna Mowa wa Modimo. E tshwanetse ya bo e le Mowa wa Modimo o nang le rona, ga e seng jalo maiteko otlhe a rona ke lefela. Paulo o ne a re, "Ke tla rapela mo Moweng, Ke tla opela mo Moweng, Ke tla tshela mo Moweng." Fa gona le sengwe se se tla tlang kwa go nna sele molemo se tshwanelwa ke gore sebo se senotswe ka Mowa, se tlhomamisitswe ka Lefoko, le go bonafadiwa ka maduo a sone. Fela jaaka Johane ka tlhomamiso a ne a tlhoka go nna mo Moweng go amogela ditshenolelo tse dikgolo fela thata tse dileng disha go tswa kwa go Jeso, re tshwanelwa ke go nna mo Moweng go tlhologanya di tshenolelo tse Modimo a re di fileng go tshela ka Lefoko la Gagwe, ka gonne ke Mowa o o tshwanang.

Le e lebelele ka tsela e. Botlhe bontsi bo bala Baebele fa e reng mo go Ditiro 2:38,

"Ikwatthaeng, mongwe le mongwe wa lona a kolobediwe boitshwarelo jwa dibe tsa lona, mo ineng la ga Jesu Keresete; mme lo tlaa amogela neo ya Mowa o o Boitshepo,"

mme ba bo ba feta fela. Ga ba e bone, Ga bane ba e bone, ka ntata ya go tsena mo Moweng, ba ne ba ka itse gore ga ba ne ba batla go amogela Mowa o o Boitshepho, ba tshwanetse go ikwatlhaa le go kolobetswa mo Leineng la Morena Jeso mme go tswa foo Modimo o tla bo a tlamega go dirafatsa Lefoko la Gagwe ka go ba tlatsa ka Mowa o o Boitshepho. Ga ba nke ba tsena mo Moweng wa gagwe go seng

jalo ba tla dirafalelwa ke se Lefoko le se buang. Rapela Modimo gore a go fe tshenolo ka Mowa wa Gagwe. Seo ke yone kgato ya ntlha. Tsena mo Moweng.

Mme ke dirise setshwantsho se sengwe. A re re o tlhoka go fodisiwa. Lefoko la reng? Ee, rotlhe re badile makgetho a mantsi, mme ga re a ka ra tsena mo Moweng fa re le bala. A re kile ra kopa Modimo Mowa wa Gagwe gore o re rute nnete ya one ya mmatota? Fa re ne ra dira jalo, re ne re ka bitsa bagolo, ra bo re ipolela dibe tsa rona, ra bo re tlotswa gape ra bo re rapelelwa, mme moo e tla bo e le gone gotlhe. E ka kanna ya seke e tle gone foo, mme mo Moweng wa Gagwe, go feletse pholo e dirafetse. Ga gona kgotlatshekelong ya boikuelo epe gape. Modimo o tla dirafatsa Lefoko la gagwe. Oo, re tshwanetse go tsena mo Moweng, mme dilo di tla bo di dirafala. O SEKA WA SIMOLOLA KA DITIRO. TSENA MO MOWNG MME O BO O TSENA MO DITIRONG MME O LEPE SE MODIMO A TLA SE DIRANG.

A o kile wa lemoga ka fa lefatshe le tsenang mo moweng wa dilo tse di mo lefatsheng? Ba ya kwa metshamekong ya kgwele ya dinao, le dikgaisano tsa bone tsa metshameko, le mebino ya bone. Ba tsena mo moweng wa metshameko. Ga ba nne fela foo jaaka dithunya tsa lebotla, jaaka dithupa tse di omeletseng. Ba tsena mo maikutlong a dilo mme ba bo ba nna karolo ya dilo. Mme, oo, ka fa ba sa rateng bakeresete ba tsene mo Moweng wa Lefoko la Modimo ka teng. Ba re bitsa badumedi ba ba tseegileng maikutlo mogo feteletseng.. Ga gona sepe se ba sa kakeng ba se dira go supa letlhoo la bone le go ganana ga bone. Mme le s ka wa kgathala ka seo. O ka go solofela, o itse gore gotswa kae. Tsweleng fela le tsene mo Moweng wa kobamelo.

Mewa ya rona e phepa. E mesha. Ke ya mmatota. E kelotlhoko gape e tlhwaafetse mme lefa go ntse jalo, e tletse ka boitumelo jwa Modimo. Mokeresete o tshwanetse gonna matlhagatlhaga le go tlala ka boitumelo mo Moreneng jaaka lefatshe le e ja monate le itumela mo menateng ya lone. Botlhe Bakeresete le batho ba lefatshe ke batho; botlhe ba na le maikutlo. Pharologanyo ke gore dipelo tsa Bakeresete le maikutlo a bone di mo Kgalalelo le Lorato la Modimo a a itshekileng, fa ba lefatshe ba kgotsofatsa nama.

Jaanong ya re Johane o ne a le mo Moweng ka Letsatsi la Morena.

Oo, temana e fano e tsosa dikgotlhang. E seng gore e tlhoka go dira jalo, kana e tshwanetse go dira jalo, mme bangwe ga ba bone se Lefoko le se buang.

Selo sa ntlha re fitlhela bangwe ba ba bitsang letsatsi la Morena , ba re ke Letsatsi la Sabata, le mo go bone eleng Matlhatso. Mme ga bo go nna le ba bangwe ba ba bitsang Letsatsi la Morena, ba re ke Tshipi, letsatsi lantlha mo bekeng. Mme e ka nna jang lengwe la malatsi a, kana ebile le malatsi one a mabedi a kopantswe, ka go re Johane o ne a le mo Moweng a amogela diponatshegelo ka lobaka la dingwaga tse pedi. Tota se se neng se dirafetse e ne e le gore Johane o ne a tshwarwa ke Mowa mme a isiwa mo Letsatsing la Morena, le le neng le santse le tla. Baebele e bua ka Letsatsi la Morena le le mo isagong, mme Johane jaanong o bona dilo tsa letsatsi la isago. Mme fa gontse jalo, fa re wetsa matswalo a rona, a re batleng tota se Sabbata eleng sone mo nakong eno.

Sabata, jaaka re e itse mo Kgolaganong e Ntshá , GA SE go tshegetsatsa letsatsi lengwe. Ga re na taelo epe fela ya go tshegetsatsa Matlhatso re re ke Sabata, kgotsa go nna le taelo go tshegetsatsa letsatsi la ntlha mo bekeng, le eleng Tshipi. Se ke bonnete jwa Sabata, go raya "boikhutso." Baheberere 4:8, "Gonne fa Jeso a ka bo a ne a ba neile boikhutso (kana letsatsi la boikhutso), o ka bo o se ka a bua kwa morago ka ga letsatsi le sele. Ke gone boikhutso jwa sabata (go tshegetsatsa sabata) bo ntse bo saletse batho ba Modimo; Gonne yo o tsenyeng mo boikhutsong, gape o ikhuditse mo ditirong tsa gagwe, jaaka Modimo a dirile mo go tsa Gagwe." A le utlule lefoko le le le le mo karolong ya bofelo ya temana? "Modimo o ne a emisa diriro tsa Gagwe." Modimo o ne a fa Baiseraela letsatsi la bosupa gore e nne segopotso sa tiro e e leng ya Gagwe fa ane a tlhodile lefatshe le tsotlhe tse di mo go lone, mme a emisa go bopa. O ne a emisa ditro tsa gagwe. O ne a ikhutsa. Jaanong go ne go siame gofa batho ba ba neng bale mo lefelong le le lengwefela ka nako nngwe Boikhutso jwa Sabata, gore ba tshegetse letsatsi lengwe. Mo nakong eno sephato sa lefatshe se mo leseding fa sephato se sengwe se le mo lefifing, jalo ga go kake ga bereka gotlhelele. Mme moo fela ke kang e e tswang mo tlhologong.

A re boneng gore Baebele e re ruta eng kaga boikhutso jwa Sabata. "Gonne yoo tseneng mo boikhutsong jwa gagwe." Go tsena mo ga se fela go tsena moteng, mme ke go tswelela o ntse mo boikhutsong. Ke boikhutso jo bo sa khutleng jo letsatsi la bosupa le leng tshwantsho ya lone. Bosupa ke pheletso. Boferabongwe ke letsatsi la ntlha gape. Tsogo ya ga Jeso e ne e le ka letsatsi la ntlha la beke, e re fa botshelo jo bo sa khutleng le boikhutso jwa Sabata e e sakhutleng. Jalo he re lemoga gore ke eng Modimo a ne a ka se ke a re fe lepe letsatsi la beke jaaka (boikhutso) Sabata. Re tsene mo teng gape re tswelela re ntse mo boikhutsong jwa rona, se Baiseraela ba neng ba seka ba se dira, re na fela le moriti wa sengwe sa boammaaruri o re o itumelelang. Ke eng re ka lebelela kwa morago kwa moriting fa rena le dilo tsa mmatota jaanong.

Ka fa re amogelang boikhutso jo, kana tswelelo ya Sabata, ke kafa taletsong ya ga Jeso. O ne a re mo go Mathaio 11:28,29,

"Tlang kwano go nna lotlhe ba lo lapileng, ba lo imelwang, mme ke tlaa lo lapolosa, Ipeleseng jokwe ya me, lo ithute ga me; gonne ke bonolo le boingotlo mo pelong;

...mme lo tlaa bonela mewa ya lona tapologo (kana go tshegetsa Sabata, eseng letsatsi, mme Sabata ya botshelo jo bo sa khutleng)."

Go sa kgathalesege gore o tsere lobaka le le kafe o lapisitswe ke bokete jwa sebe, gore a ke dingwaga tse di lesome, masome mararo, kana lobaka le le leele, tlang ka matshelo a a ltetseng tapisego mme le tla bona boikhutso jwa gagwe (Sabata ya nnete). Jeso o tla go fa boikhutso.

Jaanong tota boikhutso jo o jo Jeso a tla bofang ke eng? Isaia 28:8-12,

"Gonne dimati tsa bojelo tsotlhe di tletse matlhatsa le matladika, ga go na gope fa go ntle.

9Wa bo o tlaa ruta mang kitso? A tlhologanyetsa mang polelo? A ke ba ba kgwisitsweng maši, ba tlosediwa mabele?

Gonne ke kaelo mo kaelong, kaelo mo kaelong; sekaong mo sekaong, sekaong mo sekaong; bonnye fano, bonnye fale.

Gonne ka dipounama tse di kokoetsang le diteme tse dingwe O tla bua le batho ba.

Ko go ene o ne a re "Boikhutso ke jo, lapolosang ene yo o lapileng (kana go tshefetsa sabata sa Gagwe); le gone thudiso ke e: le fa go ntse jalo ba gana go utlwa."

Gone fa go a perofitwa fa mogo Isaia. Mme go ne ga feta dingwaga tse di makgolo a supa ka nako ya Pentekosete kwa baneng ba tlatswa ka Mowa o o Boitshepho gone fela jaaka go ne go builwe gore go tla diragala. Se ke Sabata sa mmannete se se neng se solofeditswe. Jalo e rile fa ba ne ba tlatswa ka Mowa o o Boitshepho ba ne ba emisa diriro tsa bone tsa selefatshe, maitshwaro a bone a lefatshe, le ditiro tsa bone tse di bosula. Mowa o o Boitshepho o ne wa tsaya taolo ya matshelo a bone. Bane ba tsena mo boikhutsong. Ke joo boikhutso jwa gago. Ke Sabata sa gago. Ga se letsatsi, kana ngwaga, mme ke bosakhutleng ya go tlatswa le go segofadiwa mo Moweng o o Boitshepho. Ke fa wena o emisa, mme Modimo a bo a nna ene yo a dirang. Ke Modimo mo go wena yo o nang le thato le go dira ga Gagwe ga boipelo jwa gagwe jo bo molemo.

Mme ke tshwaele gape ka ga ba ba yang tirelong ka Matlhatso ba ba bolelang gore letsatsi le re kopanang go nna le tirelo ka lone la Tshipi, eleng letsatsi la ntlha mo bekeng, ga se lone. Se ke se Justin a neng a se bua ka nako ya lekgolo la bobedi la dingwaga.. "Ka Tshipi go tshwarwa bokopano jwa batho botlhe ba ba nnang mo ditoropong le magaeng, mme go bo go balwa karolo ya dipego tsa digopotso tsa baaposetole le mekwalo ka fa nako e letlang ka teng. Fa palo e fela, Mookamedi mo polelong o fa dikgotlhatso le dikgakololo tse di etsang dilo tseo tse di molemo. Go tswa fa re emelela rotlhe re bo re rapela thapelo e le nngwe. wKwa bofelong jwa thapelo, jaaka re setse re tlhalositse, senkgwe le mofine di tla bo di bewa fa pele ga rona, go tla bo go fiwa malebogo mme phuthego ya bo e araba e re, "Amene". Go tswa foo selalelo se tla bo se kgaogangwa se fiwa mongwe le mongwe mme batiakone ba tla bo ba se tsaya ba ya go se amogedisa ba ba neng ba sa tla mo tirelong. Ba ba humileng le ba ba ratang ba fa koleke go ya ka fa ba ratang ka teng mme koleke e e tla bo e neelwa mookamedi yoo tla bong a dirisa koleke e go thusa dikhutsana, batlholagadi, magolegwa le baeng ba ba tlhokang." Jalo re bona gore ba ba bolelang gore kereke ya gale e ne ya tswelela ka ngwao ya Sejuta ya go kokoana ka letsatsi la bofelo la beke, ba ikgatholositse thata se ditso di se tlhalosang, mme gape ga ba kake ba ikangwa.

Oo, o kare batho ba ka tla kwa go ene mme ba bona boikhutso. Dipelo tsotlhe di lelela boikhutso joo mme bontsi ga bo itse karabo. Jalo ba leka go didimatsa selelo se ka bodumedi jwa thulaganyo ya go tshegetsatsi mangwe kana go amogela dithuto le melao ya tsa makoko. Mme fa ba palelwa mo go se, bontsi bo leka go nwa bojalwa, ba tagwa ba bo ba tsosa modimo, le sengwe le sengwe se se feteletseng, ba akanya gore gona le kgotsofalo mo menateng ya lefatshe. Mme mo go tseo ga gona boikhutso. Ba goga motsoko gape ba nwa dipilisi tse di ritibatsang ditshika. Mme ga gona boikhutso mo metswakong ya selefatshe. Ba tlhoka Jeso. Batlhoko kalafi ya selegodimo, boikhutso jwa Mowa.

Mme bontsi jwa bone bo ya kerekeng ka Tshipi. Moo gosiamme mme le mo go bone ga ba itse gore ba ka tla jang kwa Modimong le gore ba mo obamele jang. Jeso o ne a re kobamelo ya mmannete e mo Moweng le ka boamaruri, Johane 4:24. Mme ke mofuta ofe wa kobamelo o o ka nnang le gone gotswa mo kerekeng e e itseng go le gonnye ka Modimo e itse fela go baya Santa Claus ka nako ya Keresemose le mebutla ka nako ya Paseka? Ba go tsere kae? Ba go tsere mo baheitaneng mme ba go dirile karolo ya dithuto tsa kereke. Mme ga mongwe a sokologela kwa Moreneng gape a ba a tlatswa ka Mowa o o Boitshepho o emisa dilo tseo tsotlhe. O na le boikhutso jwa mowa. O simolela go tshela tota, mme a bo a rata Modimo le go Mo obamela.

Jaanong are boeleng mo Temaneng ya rona. Re itse se eseng Letsatsi la Morena. Ga se Matlhatso kana Tshipi, ke lefet? Jalo a re e beye jaana. Letsasi leno ka tlhomamo ga se Letsatsi la Morena. Letsatsi le ke letsatsi la motho. Ke go dirafatsa ga motho, tiro ya motho, kereke ya motho, kobamelo go ya ka fa mogopolong wa motho, sengwe le sengwe ke motho, ka gore ke lefatshe la motho (kosemose). MME LETSATSI LA MODIMO LE ETLA. Ee, le etla. Ke gore fela ka nako ya Tshenolelo ya ga Jeso Keresete, Johane o ne a tshwerwe ke Mowa mme wa mo isa ka Semowa kwa Letsatsing le Legolo le le tlang. Letsatsi la Morena ke letsatsi le malatsi a motho a fedileng. Magosi a lefatshe leno gotswa foo a tla bo a nna magosi a Modimo wa rona. Letsatsi la Morena ke fa dikatlholo di simologa go dirafala, mme morago ga moo go tsena nako ya dingwaga tse di sekete. Gone jaana lefatshe le dira se le se batlang ka Mokeresete. Ba mmitsa mefuta yotlhe ya maina a a bosula, ba ikgatlha ka ene. Mme nako eo e kgolo e etlang le letsatsi le le gakgamatsang fa batla bong ba kuruetsa le go bokolela, gonne Kwana e tla ka bogale go atlhola lefatshe. Ke nako e basiami ba tla nna le letsatsi la bone le Morena, gonne baikepi ba tla sha mme basiami ba tla tsamaya mo godimo ga melora ya bone ba tsena mo dingwageng tse di sekete. Malaki 4:3,

"Mme le tlaa gataka baikepi; gonne ba tlaa nna melora fa tlase ga dinao tsa lona mo motlheng o ke dirang selo se ka one," go bua Jehofa wa masomosomo."

Lentswe Jaaka Terompeta.

Tshenolo 1:10,

"... Mme ka utlwa lentswe le legolo kwa morago ga me, e kete la lonaka."

Johane o ne a le mo Moweng, mme ga o ne o motshwere, o ne a bona letsatsi le legolo le le itumedisang la Morena Jeso le maatla otlhe a Gagwe a a boitshepho. Isago e ne e tloga e senolwa gonne Modimo o ne a tloga a mo ruta. Johane ga a ise a re e ne e le terompeta. E ne e tshwana le terompeta. Jaanong fa terompeta e letswa go supa gore go na le tlhagiso. E tswana le kitsiso, morongwa wa kgosi, a tla kwa bathong. O letsa terompeta. Ke pitso ya potlako.. Batho ba tla kgobokana go reetsa. (Baiseraele bane ba tlhola ba kokoangwa ke go letswa ga terompeta.) Sengwe se se botlhokwa se gorogile. "E reetse." Jalo le lentswe le na le buikuelo ja potlako jo bo tshwanang jaaka terompeta. Le ne le tlhatswegile gape le tlhagafetse, le gakgamatsa le tsibosa. Oo, e kare re ka utlwa lentswe la Modimo jaaka terompeta mo nakong eno, gonne keTerompeta ya Efangeli e bolela Lefoko la Seporofeso go re itsise, le gore re ipaakanyetse se se tlang mo lefatsheng.

Taelo Ya Go Kwala

Tshenolo 1:11,

"le bua, le re: "Ke nna Alefa le Omega, Tshimologo le Bokhutlo; mme, O bonang, se kwale mo lokwalong, mme o lo tsamaisa le diphuthego tse supa tse di mo Asia; e bong kwa Efeso, le kwa Semurena, le kwa Peregamo, le kwa Thiatira, le kwa Saredise, le kwa Filatelefa, le kwa Laodikea."

Ke e efa. Wa Ntlha le wa Bofelo, Alefa le Omega: ke gone GOTLHE. Modimo yoo boamaruri a le esi. Lentswe le Lefoko la Modimo. Nnete le bommatota di gaufi. Go molemo jang gonna mo Moweng. Hei, go nna mo bolenteng jwa Modimo le go utlwa go tswa kwa go Ene... " Seo se bonang, kwala mo lokwalong, mme o le romele kwa dikerekeng tse supa." Lentswe le le neng le bolela Lefoko la Gagwe kwa Tshimong ya Etene le kwa godimo ga thaba e e bidiwang. Sinai, e lentswe le leneng la utlwiwa ka kgalalelo e e molemo gape kwa Thabeng e e Godileng , le ne le bolela gape, mme ka nako e le ne le bolela kwa dikerekeng tse supa ka tshenolo ya bofelo e e feletseng ya Morena Jeso Keresete.

"Kwala diponatshegelo, Johane. Direla dipaka tse di tla latelang kgatiso ya mokwalo wa tsone, gonne ke diperofeso tsa mmannete tse di TSHWANELWANG ke go diragala. O di kwale mme o di romele kwa ntle, o dire gore di itsege."

Johane o ne a lemoga lentswe leo. Oo, le tla lemoga lentswe leo fa a bitsa fa o le mongwe wa ba Gagwe.

Ditlhommo tsa Dipone tsa gouta

Tshenolo 1:12,

"Mme ka retologa, ka re ke bona lentswe le le mpuisang. Mme ya re ke retologile, ka bona ditlhommo tsa gouta di supa tsa dipone."

Johane ga a re o ne e gadima go bona mong wa lentswe le a neng a le utlwa, mme o ne a gadima go bona lentswe. Oo , ke rata seo. O ne a gadima go bona lentswe. Lentswe le motho ke dilo dile dingwe gape di a tshwana. Jeso ke LEFOKO. Johane 1:1-3,

"E rile mo tshimologong Lefoko a bo a ntse a le yo, mme Lefoko a bo a ntse a na le Modimo, mme Lefoko ya bo e le ene Modimo.

Ene yoo o ne a le yo mo tshimologong a ntse le Modimo.

Dilo tsotlhe di dirilwe ke ene; mme kwa ntle ga gagwe ga se ka ga dirwa sepe sa tse di dirilweng."

Ga o ka tsena mo seemong se o tlhologanyang Lefoko tota o tla bona Jeso.

Fa Johane a retologa o ne a bona ditlhommo tsa gouta di supa tsa dipone. Tota ruri e ne e le ditlhommo tsa dipone. Mme go ya ka temana 20, ke dikereke tse supa: "ditlhommo tsa dipone tse supa tse o di bonang ke dikereke tse supa." Go emela dikereke e ne e sa kake ya nna dikerese. Lebone la kerese le tuka ka sebakanyana mme morago le time. le a tima. Go tla bo go sa tlhole go na le sepe sa yone. Mme ditlhommo tsa dipone di thata di tsaya lebaka le leele gona le dikerese.

Fa o batla go bona setshwantsho se se ntle sa lebone, bala ka ga lone mo go Sekaria 4:1-6,

"Moengele yo o buang le nna a tla gape, a ntsosa jaaka monna yo o tsosiwang a robetse.

Mme a nthaya a re, O bonang? Mme ka re, Ke lebile, mme bonang, setlhommo sa lobone e le sa gouta sotlhe fela, se na le nkgwana ya sone mo godimo ga sone; le dilampa tsa sone di supa di le mo go sone; lampa nngwe le nngwe e na le ditlhaka tse di logapa di supa, tse di kwa godimo ga sone.

Le ditlhare di le pedi tsa matlhwane fa go sone, sengwe ka fa tsogong le legolo ga nkgwana, se sengwe ka fa ntlheng ya la molema ga yone.

Mme ka fetola moengele yo o buang le nna, ka re: "Dilo tse ke eng, morena wa me?"

Foo moengele yo o buang le nna a mphetola, a re, A ga o itse go re dilo tse ke eng? Mme ka re, Nnyaa morena wa me.

Foo a mphetola, a re, Le ke lone Lefoko la ga Jehofa kwa go Serubabele, a re, Gase ka thata, le fa e le ka nonofo, fa ese ka mowa wa me, go bua Jehofa wa Masomosomo."

Lebone la gauta ya mmatota le lengwe ke le. E tuka ka phatsimo ka gore e na le lookwane le le ntsi e e le tsayang gotswa mo ditlhareng tse pedi tsa matlhwane, tse di emeng mo matlhakoreng oo mabedi . Ditlhare tse pedi di emetse Kgolagano e Kgologolo le e Ntshá, mme lookwane le tshwantsha Mowa o o Boitshepho, Yo eleng ene fela o fang batho lesedi la Modimo. Moengele yo o neng a bua le Sekaria se a neng a se bua se tshwana le fa a ne a re "Se o se bonang se se raya gore kereke ga e kake ya fitlhelela sepe fela ka maatla a yone, fa e se ka Mowa o o Boitshepho."

Jaanong tlhatlhoba tlhommo ya lobone. O tla lemoga gore e ne e le nkgwana e tona , kana madutelong , a a neng a le fa gare ga matsogo a a tswang mo go yone. Nkgwana e e tladitswe ka lookwane la motlhwane le le elelang magareng ga megala e supa e e beilweng mo matsogong a a supa. E ne e le lookwane le le tshwanang le le tukang le le dirang lesedi kwa bofelelong jwa ditlhaka tse supa. Lobone le go le ise le ke le time. Baperesiti ba ne ba tswela ka go tshela lookwane mo nkgwaneng.

Lobone le ne le tshubiwa ka tsela e e faphegileng. Sa ntlha, moperesiti o ne a tsaya molelo gotswa mo aletareng e e boitshepho e e neng e tshubillwe ka molelo wa Modimo kwa tshimologong. La ntlha o ne a tshuba, lobone le le neng le le fa godimo ga nkgwana, Gotswa foo a bo a tshuba lobone la bobedi ka kgabo ya molelo wa lobone la ntlha. Lbone la boraro le ne le tsaya molelo wa lone mo leboneng la bobedi, jaaka la bone le ne le tsaya molelo wa lone mo go laboraro, jalo le jalo, go fitlhelela mabone otlhe a a supa a tuka. Molelo o o boitshepho o o neng o tswa kwa aletareng, o fetisiwa go tswa mo loboneng go ya kwa go le lengwe, ke tshwantsho e e itumedisang ya Moya o o Boitshepho mo Dipakeng tsa Dikereke tse supa. Go tshologa ga Pentekosete ya tshimologo (go tshologa mo go ne go tswa kwa go Jeso mo Setulong sa Mautlwelo Botlhoko) go ne ga bipa Kereke ya Gagwe mo nakong ya dipaka tsotlhe tse supa, le go supa ka boitekanelo gore Jeso Keresete o tshwana maabane, le letsatsi leno, le ka bosakhutleng, Modimo yo o sa fetogeng mo go se A leng sone le ditsela tsa Gagwe.

Mo go Johane 15, Jeso a re, "Ke nna Mofine, lona le dikala." Ke ene Mofine wa mmatota, o o tswang mo moding wa tshimologo go tswa mo peong ya tshimologo e e nang le botshelo mo go yone. Jaanong mofine ga o ungewe maungo; ke dikala tse di ungewang. Jaanong le pang se: O ka tsaya setlhare sa losika la dinamune, jaaka setlhare sa namune, mme o bo o se lomelela mo go kaleng ya loungo le letona, mo kaleng ya surulamone, mo kaleng ya narakise, le maungo a mangwe a losika la dinamune, mme dikala tseo di tla gola. Mme dikala tseo tse di lomagantsweng ga di kake tsa ungewa dinamune. Nyaa rra. Kala ya surunamune e tla ungewa disurunamune, le kala ya loungo le letona e tla ungewa maungo a loungo le letona jalo jalo. Le fa etswa dikala tseo di tla bo di tshela ka botshelo jo bo mo setlhareng. Mme ga

setlhare seo se ka nna le kala enngwe ya sone e tla bo e le kala ya namune mme se tla ungwa dinamune. Ka go reng? Ka gore botshelo jo bo mo kaleng le botshelo jo bo mo kutung bo a tshwana le mororo go ne go sa nna jalo ka dikala tse di neng di lomagantswe. Dikala tseo tse di lomagantsweng di ne dina le botshelo gotswa kwa ditlhareng tse dingwe, gotswa mo meding e mengwe, gotswa mo dipeong tse dingwe. Oo, di tla ungwa sentle, mme ga di ketla di ungwa dinamune. Ga di kake ka gore ga se tsa tshimologo.

Ke yone tsela e kerekee ntseng ka teng. Mofine o kgaogantswe mme dikala di lomagantswe mo go one. Ba lomagantse dikala tsa Mapapathise, dikala tsa Mawesele, dikala tsa Poresibapoteriene, le dikala tsa Pentekosete. Mme dikala tseo di ungwa maungo a Papathise, Wesele, Pentekosete, le Porisebapotiriene. (Peo ya Makoko a Dikereke e e tlišang maungo a bone.) Mme fa mofine o ka ntsha kala e nngwe ya one, kala e o e tla nna tota jaaka mofine. E tla bo e le kala e e tshwanang le e e neng e tswa kwa Pentekosete. E tla bua ka dite me, e tla perofesa, gape e na le maatla le ditshupo tsaga Jeso Keresete yo o tsogileng mo go yone. Ka goreng? Gonne e atlega ka dikungo tsa tlhologo tsa mofine ka bo one. Le a bona, e ne e sa lomaganyetswa mo mofineng; e ne e TSHOTSWWE mo mofineng. Fa dikala tsele tse dingwe di ne di lomaganngwa mo teng, se di neng di ka se dira e ne e le go ungwa maungo a tsone ka gonne di ne di sa tsholwa ke mofineng oo. Ga di itse ka ga botshelo joo jwa tshimologo le leungo la tshimologo. Ga di kake tsa itse gonne di ne di sa tsalwa mo go sone. fMme ga di ne di tshotswe mo go sone, botshelo jo bo tshwanang le jo bo neng bo le mo thitong ya tshimologo (Jeso) bo kabo tsile ka tsone mme jwa bonafala mo go tsone. Johane 14:12,

"Ammaaruri, ammaaruri, ke a lo raya, yo o dumelang mo go nna, ditiro tse ke di dirang, le ene o tlaa di dira; o tlaa dira ditiro tse dikgolo go feta tse; gonne ke ya kwa go Rarra."

Makoko a Dikereke a a gogwang ke motho ga a kake a tsalwa mo Modimong; gonne ke Mowa, ESENG MOTHO, o o fang botshelo.

Go itumedisa jang go akanya ka dipone tseo tse supa di tsayang botshelo le lesedi gotswa mo meamusong ya nkgwana e tona gonne megala ya tsone e ne e inetswe mo nkgwaneng. Paka ya kereke nngwe le nngwe e tshwantshitswe fa. Botshelo jwa gagwe bo tletse ka molelo wa Mowa o o Boitshepho. Mogala (botshelo) jwa Gagwe bo inetswe mo go Keresete. Ka one mogala oo o tsaya botshelo jwa mmatota jwa ga Keresete, mme ka one go fa kereke lesedi. O fa mofuta ofe wa lesedi? Lone le sedi le le neng le le mo loboneng la ntlha le le neng le tshubilwe. Mme mo dingwageng tse di fetileng go fitlhelela nako e releng mo go yone ya malatsi a morongwa wa bofelo botshelo jo bo tshwanang le lesedi le le tshwanang le bonafadiwa ka botshelo jo bo fitlhegile mo go Keresete mo Modimong.

Ga re kake ra bua fela jalo ka barongwa, mme modumedi mongwe le mongwe wa boammaaruri o tshwantshiwa fa. Botlhe ba tsaya mo motswedi o le mongwe. Botlhe ba inetswe mo nkgwaneng e e tshwanang. Ba sule ka bobone mme matshelo a bone a fitlhelwe le Keresete mo Modimong. Ba kanetswe mo teng ka Mowa o o Boitshepho. Baefeso 4:30,

"Lo se ka lwa hutsafatsa Mowa o o Boitshepo wa Modimo, o lo kaneletsweng letsatsi la thekololo ka one."

Ga gona motho yo o ka ba ngaporololang mo diatleng tsa Gagwe. Matshelo a bone ga a kake a fetolwa. Botshelo jo bo supagalang bo a tuka gape bo a phatsima, bofa lesedi le ponagalo ya Mowa o o Boitshepho. Botshelo jo bo mo teng, bo bo sa bonafaleng bo fitlhegile mo Modimong mme bo fepiwa ke Lefoko la Morena. Satane ga a kake a kgona go ba kgoma. Lefa e le loso ga le kake la kgona go ba kgoma, gonne loso le latlhe getswe ke lebolela la lone; phuphu e latlhegetswe ke phenyo ya yone. Re leboga Modimo, ba na le phenyo e mo go bone le ka Morena Jeso Keresete. A mene le Amene.

Ga e sa tlhole e le Moperesiti.

Tshenolo 1:13,

"mme mo gare ga ditlhomu ga bo go le mongwe yo o tshwanang le Morwa Motho, a apere kobo e e fitlhang kwa dinaong, a itlamile mo magetleng ka moitlamo wa gauta."

A eme foo, Ene yo o tshwanang le Morwa Motho. Jaaka lebenyane le ntlafadiwa ka go bopiwa ga palamongwana, jalo o galalediwa mo magareng ga dikereke. Ke Letsatsi la Morena,; go nne Johane o mmona a eme ka dinao, eseng jaaka moperesiti, mme jaaka moatlhodi yo o tlang. Moitlamo wa gauta ga o sa tlhole o le mo dinokeng fa o tshwanetseng ke go aparwa ke moperesiti teng jaaka a direla Modimo mo Lefelong le le Boitshepho, mme jaanong o dikologile magetla a gagwe, gonne jaanong ga se moperesiti mme ke MOATLHODI. Jaanong Johane 5:22 e setse e diragetse,

"Gonne Rara ga a athole motho ope, mme katlholo yotlhe o e neetse Morwa."

Tirelo ya gagwe e setse e neetswe. Tirelo ya boperesiti e fedile. Malatsi a seperofeso a fedile. O eme a itlamile jaaka MOATLHODI.

Kgalalelo YA Motho Wa Boene e e menaganeng ga supa

Tshenolo 1:14-16,

"Tlhogo ya gagwe ya bo e le tshweu le moriri wa gagwe, jaaka boboa jo bosweu, go le gosweu jaaka kapoko; matlho a gagwe a bo a ntse jaaka kgabo ya molelo.

Mme dinao tsa gagwe di ntse jaaka kgotlho e e gotlhweng, jaaka e kete e ntlafaditswe mo leubeng; lentswe la gagwe ya bo e kete go suma ga metsi a le mantsi.

Mme a bo a tshotse dinaledi di supa ka seatla sa gagwe se segolo; mo molomong wa gagwe ga bo go tswa tšhaka e e lootsegileng, e e magale mabedi; sefatlhogo sa gagwe sa nna jaaka letsatsi fa le phatsima ka thata ya lone."

Go bonafala ga ga Jeso kwa go Johane, go gogomosa maikutlo gape le go tlotlhelletsang jang, yo o neng a kobilwe ka ntata ya Lefoko, mme bonang, LEFOKO le le tshelang jaanong le eme fa pele ga gagwe. A ponatshegelo e e sedimosang, gonne sengwe le sengwe se se tlhalosiwang se botlhokwa. A tshenolelo ya kgalalelo ya Boene.

Moriri wa Gagwe o ne o le Mosweu jaaka Kapoko.

Johane lantlha o a lemoga gape o umaka bosweu jwa moriri wa Gagwe. O ne o le mosweu, gape o phatsima jaaka kapoko. Mo e ne e se ka ntata ya dingwaga tsa Gagwe. Oo, nnyaa. Moriri o mosweu o o phatsimang ga o supe botsofe mme o supa boitemogelo, kgolo, le botlhale. Wa Bosakhutleng ga A tsofale. Nako ke eng mo Modimong? Nako ga e re e sepe se se kalo ko Modimong, mme botlhale bo raya sengwe se segolo. Go tshwana le fa Solomone a ne a kopa botlhale kwa Modimong gore a atlhole batho ba Iseraele. Jaanong e etla, moatlhodi wa lefatshe lotlhe. O tla bo a rwesitswe serwalo sa botlhale. Ke sone se moriri o o mosweu o o tsabakelang o se supang. Bonang se mo go Daneele 7:9-14,

"Ka nna ka leba ga tsamaya ga bewa ditulo tsa bogosi, mme ga dula mongwe yo o leng mogologolo; diaparo tsa gagwe di le ditshweu jaaka kapoko; le moriri wa tlhogo ya gagwe o ntse jaaka bobowa jwa nku jo bo itshekileng; setulo sa gagwe sa bogosi, e le dikgabo tsa molelo, le maotwana a sone a a dikologang e le molelo o o tukang.

Ga pomponyega nokana ya molelo e elela e tswa fa pele ga gagwe; ba ba makgolokgolo ba ne ba mo direla, le ba ba makgolo a makgolokgolo ba ema fa pele ga gagwe; tsheko ya bewa, le dikwalo tsa bulwa.

Ka leba ka lobaka loo ka ntlha ya lentswe la mafoko a magolo a lonaka lo a buang; ka nna ka leba fela ga tsamaya setshedi seo sa bolawa, le setoto sa sone sa senngwa, sa neelwa molelo go fisiwa.

Ka ga ditshedi tse dingwe, puso ya tsone ya tloswa; le fa go ntse jalo botshelo jwa tsone jwa lelefadiwa ka motlha le lobaka.

Ka leba mo diponatshegelong tsa bosigo, mme bonang, ga tla mo marung a legodimo mongwe yo o tshwanang le morwa motho, a tla fela kwa go yo mogologolo, mme ba mo atametsa fa pele ga Gagwe.

A newa puso, le kgalalelo, le bogosi, gore batho botlhe ba ditšhaba, le ba merafe le ba dipuo ba mo direle; puso ya gagwe ke puso e e sa khutleng, e e se ketlang e feta, le bogosi jwa gagwe ke jo bo se ketlang bo senngwa."

Ke eo. Daniele o ne a mmona ka moriri oo o mosweu. Ene e le moatlhodi a bula dikwalo gape a atlhola ka tsone. Daniele o ne a mmona a tla mo marung. Ke sone tota se Johane a neng a se bona. Ba ne ba mmona tota ka go tshwana. Ba ne ba bona Moatlhodi a apere moitlamo wa gagwe wa katlholo mo magetleng, a eme a le phepa gape a le boitshepho, a tletse ka botlhale, a tshwanelwa ka botlalo ke go atlhola lefatshe mo tshiamong. Halleluja.

Le lefatse tota le tlhologanya tshwantshanyo e, gonne ka nako ya metlheng ya bogologolo moatlhodi o ne a tla mo phaposeng ya katlholo, a apere wiki e tshweu le purapura e telele e e neng e supa bolaudi jo bo feletseng (purapura e e tswang kwa tlhogong go tsena kwa maotong) go diragatsa tshiamiso.

Matho a Gagwe a ne a tshwana le Molelo.

Akanya ka seo. Matlho ao a kile a bo a le leoto a tletse ka dikeledi tsa kutlobotlhoko le bopelotlhomogi. Matlho ao a a neng a lela ka kutlwebotlhoko kwa phuphung ya ga Lasaro. Matlho ao a a neng a seka a bona bosula jwa babolai ba ba neng ba Mo kaletsa mo sefapaanong mme mo kutlobotlhokong a goa a re, "Rara ba intswarele." Jaanong matlho ao ke kgabo ya molelo, matlho a Moatlhodi Yo o tla busulosetsang ba ba neng ba Mo gana.

Mo maikutlong otlhe a setho a a kileng a a bonafatsa a le magolo fa a ne a bonala jaaka Morwa Motho e ne e le one a, O ne a tlhola a lela. Mme le fa etswa a ne a go lela le kutlobotlhoko o ne antse a na le Modimo mo go Ene.

Matlho o ne ao a ne a bona diponatshegelo. A ne a leba kwa boteng jwa dipelo tsa batho le go bala megopolo ya bone mme a itse ditsela tsotlhe tsa bone tse di farologanyeng. Yo o neng a tukisa matlho a setho se se bolang e ne e le Modimo, Yo o neng a lelela kwa go ba ba neng ba sa itse gore O ne A le mang., "... Fa le sa dumele gore Ke Ene, le tla swela mo dibeng tsa lona." Johane 8:24.

"Fa ke sa dire ditiro tsa ga Rre, le seka lwa ntumela. Mme fa ke dira(ditiro tsa ga Rre), le fa lesa ntumele , dumelang ditiro ..."

Johane 10:37,38. Jaaka Jeremia wa bogologolo, O ne a le moperofeti yo o lelang, gonne batho ba ne ba seka ba amogela Lefoko la Modimo mme ba tlhokomologa tshenolo.

Matlho a a jaaka kgabo ya molelo a Moatlhodi a legompiano a a gatisang matshelo batshidi botlhe. A tabogela kwa le kwa mo lefatsheng ka bophara, ga gona se A sa seitseng. O itse dikeletso tsa pelo le se kgato nngwe le nngwe e ikaeletseng go se dira. Ga gona se se fitlhlilweng se a ka sekeng a se senole, gonne dilo tsotle ga di apogile fa pele ga Gagwe ka One o re nang le go dirana nao. Akanya ka seo, O itse le se o se akantseng gone jaana.

Ee, o eme jaaka Moatlhodi go ne fale ka matlho a a tukang go lekanya katlholo. Letsatsi la mautlwelobothoko le fedile. Oo, o kare batho ba ka ikwatlhaya gape ba batle sefatlhego sa Gagwe mo tshiamong fa go santse go na le nako. Gore ba dire sehuba sa gagwe mosamo wa bone pele ga lefatshe le nyera mo molelong.

Dinao tsa Kgotlho.

"dinao tsa gagwe di ntse jaaka kgotlho e e gotlhlilweng, jaaka e kete e ntlafaditswe mo leubeng." Kgotlho e itsege ka bothata ja yone bo bo gakgamatsang. Ga gona sepe se se itseweng se se ka e robang. Mme kgotlho e e kayang dinao tsa Gagwe e gakgamatsa thata mme ka moo e ne ya falola teko ya leubelo la molelo o o tukang thata, teko e ope a iseng a ko a e ralale. Mme seo ke nnete. Gonne Kgotlho e kaya Katlholo ya Bomodimo: katlholo e Modimo a e ntshitseng le go e diragatsa. Johane 3:14-19,

"Mme jaaka Moše a kile a tthatlosa noga kwa gare ga naga, Morwa Motho o na le go tthatlosiwa fela jalo:

Gore le fa e le mang yo o dumelang mo go Ene a bone botshelo jo bo sa khutleng.

Gonne Modimo o ratile lefatshe mo go kalokalo, wa ntsha Morwa one yo o tsetsweng a le esi, gore le fa e le mang yo o dumelang mo go Ene a se ka a nyelela, mme a bone botshelo jo bo sa khutleng.

Gonne Modimo ga o a ka wa roma Morwa one mo lefatsheng go sekisa lefatshe, mme e le gore lefatshe le bolokwe ka Ene .

Yo o dumelang mo go Ene ga a sekisiwe; yo o sa dumeleng o sekisitswe le gompiano, ka a se ka a dumela mo ineng la Morwa Modimo yo o tsetsweng a le esi.

Tshekiso ke e, gore lesedi le tsile mo lefatsheng, mme batho ba ratile lefifi bogolo go lesedi; gonne ditiro tsa bone di ne di le bosula."

Dipalo 21:8, 9,

"Jehofa a raya Moše, a re: "Itirele noga ya kgotlho o e pege mo mokgorong; go tlaa dirafala gore mongwe le mongwe yo o lomilweng, o tlaa re a e bona a tshele."

Moše a dira noga ya kgotlho, a e pega mo mokgorong, ga dirala e ne e re fa noga e lomile motho mongwe, e re a leba noga ya kgotlho a tshele."

Baiseraele ba ne ba leofile. Sebe se ne se tshwanelwa ke go atlholwa. Jalo Modimo a laela Moshe gore a pege noga ya kgotlho mo lepakong, mme yo o neng a e lebelela o ne a bolokilwe mo kotlhaong ya sebe sa gagwe.

Noga ya kgotlho e e pegilweng mo kwateng ke tshwantsho ya sebe se se tswang kwa Tshimong ya Etene, ko kgogela e neng ya tsietsa Efa, e mo dira gore a leofe. Kgotlho e bua ka katlholo, jaaka fa re bona fa moleofi a ne a tsisa setlhabelo sa gagwe, o ne a se tsisa kwa a ba a se pega fa godimo ga aletare ya kgotlho kwa se neng se bolaelwa gone mme se fitlhelele kotlhao ya sebe. Ga Modimo a ne a atlholela BaIsaraela dibe tsa bone ka nako ya ga Elija, o ne a emisa pula mme maru a a neng a ntse jaaka molelo o o tukang a nna jaaka kgotlho. Jaanong mo sekaing se re bona gore kgogela mo godimo ga

kwata e emetse sebe se se setseng se athlotswe, gonne e dirilwe ka kgotlho, go supa katlholo ya semodimo e e setseng e athlotse sebe. Jalo ope fela yo o neng a lebelela kgogela e e neng e le mo kwateng, a bo a amogela botlhokwa jwa yone, o ne a nna ka botlalo, gonne se e ne e le tiro kana poloko ya Morena.

Kgogela e e mo kwateng ke setshwantsho sa se Jeso a tletseng mo lefatsheng go se wetsa. O ne a dirilwe nama go tla go rwala mokgoleo wa katlholo e e tswang ko Modimong ya dibe. Motheo wa aletara ya setlhabelo e ne ele kgotlho e e thata, e tshwantsha Kwana e e saleng e tlhajwa pele ga motheo wa lefatshe. Katlholo e ne e setse e dirilwe mo go Ene jaaka lentswa go ne go sena baleofi. Poloko yotlhe ke ya Morena, O gatile segatisetso sa bojalwa sa bogale jwa tshakgalo ya Modimo a le esi. Diaparo tsa gagwe di takilwe ka bohobidu jo bo mokgona ka madi a Gagwe. Leubelo la molelo wa katlholo ya basiami le bogale jwa Modimo e ne e le kabelo ya Gagwe. O ne a boga, a siame a swela basiamolodi.

"O a tshwanelwa, O Kwana ya Modimo, go nne O re rekolotse ka madi a Gago."

"O na a ntshediwa ditlolo tsa ronamatsanko, a teketelwa maikemo a rona; petso e e re direlang kagiso e ne e le mo go Ene, mme re bile re fodisiwa ka dingalo tsa gagwe." Modimo o ne a mo pega maikemo a rona rona otlhe. O ne a bogisega mo go senang ope yo a kileng a sokola jalo. Le fa pele ga mokgoro O ne a rotha marothodi a mofufutso jaaka madi a a tswang mo mmeleng wa Gagwe jaaka fa a ne a le mo kutlobotlhokong e e tseneletseng ya tiragalo e e neng e tla, madi a gagwe a ne a kgaogana mo ditshikeng tsa Gagwe. Luke 22:44,

"Ya re a khubamologa mo morapelong wa gagwe, a tla barutweng ba gagwe, mme a ba fitlhela ba robaditswe ke bohutsana."

Mme letsatsi lengwe dinao tseo tsa kgotlho di tla ema mo lefatsheng. O tlanna Moathodi wa lefatshe lotlhe, mme ka tekano le itekanelo O tla Athola motho. Mme go tla bo go sena go itlhokomolosa katlholo eo. Ga gona go boela morago tshiamo eo. Go tlabo go sena go e fetola. Yo o sa siamang o tla sala fela a sa siama; yo o makgaphila o tla sala a ntse makgaphila. Yo o Sa Fetogeng ga a ketla a ba fetoga gone koo, Gonne gaise a fetoge gape ga a ketla a fetoga. Dinaotseo tsa kgotlho di tla thubaganya mmaba. Di tla nyeletsa moganetsakeresete, sebata le They will destroy the anti-christ, le etshwantsho sa sebatana le tsotlhe tse di bosula mo matlhong a gagwe. O tla nyeletsa ditsamaiso tsa kereke tse di tsereng Leina la Gagwe fela go senya phatsimo ya lone mme di di thubaganye go di nyeletsa ga mmoge le moganetsa keresete. Botlhe baikepi, baheitane, balatola Modimo, naithuta Modimo, ba lwela kgolesego. Leso, bobipo, le phupu di tla bo di le teng. Ee di tla bo dile teng. Gonne ga a tla, dikwalo di tla bulwa. Ke gone ga le kereke e ebololo le makgarebe a matlhano a dielele ba tla bonalang. O tla tlhaola dinku gotswa mo dipoding. Ga A tla O tla tsaya puso, gonne ke ya Gagwe, mme O tlabo a na le dikete tse lesome tsa didikadike, eleng monyadiwa wa Gagwe, yo o tlang go mo direla. Kgalalelo! Ooh, ke gone jaana e seng jalo ga go kake ga thola go nna. Ikwatlahe pele ga go nna tlhari. Tshoga mo baswing mme o batle Modimo gore o tladiwe ka Mowa o o Boitshepho eseng jalo o tla fetwa ke botshelo jo bo sa khutleng. Dira jalo fa go santse go na le nako.

Lentswe la Gagwe le ne le le jaaka Modumo wa Metsi a Mantsi.

Jaanong metsi a emetse eng? E utlweng mo go Tshenolo 17:15,

"... Metsi a o a bonyeng kwa seaka se dutseng teng, ke ditšhaba, le boidiidi jwa batho, le merafe, le dipuo."

Lentswe la gagwe e ne e kare modumo wa matshwititshwiti a batho ba bua. E ne e le eng? Ke katlholo. Gonne a ke mantswe a matshwititshwiti a basupi, ba ka Mowa o o Boitshepho mo dipakeng tsotlhe ba ne ba pakela Keresete le go rera Efageli ya Gagwe. E tla bo e le lentswe la motho mongwe lemongwe yo o emang ka katlholo kgatlhanong le moleufi yo tlase keng a tsibogele tlhagiso. Mantswe a barongwa ba ba supa le tla utlwala le le kwa godimo le le utlwalang sentle. Bareri bao ba ba boikanyego ba ba neng ba rera maata a poloko ya ga Jeso, ba ba neng ba rera kolobetso mo Leineng la ga Morena Jeso, ba ba rerilemg go tlatswa mo boteng le maatla a Mowa o o Boitshepho, ba ba neng ba emela Lefoko go gaisa ka fa ba ne ba emela matshelo a bone; botlhe e ne ele lentswe la ga Jeso Keresete ka Mowa o o Boitshepho modipakeng tse dintseng di feta. Johane 17:20,

"Le gone ga ke rapelele bone bosi, mme ke rapelele le ba ba dumelang mo go Nna ka lefoko la bone"

A le kile la akanya kafa go tshosang ka teng fa motho yo sa boneng a kgokgoetsege go sena thuso? Akanyang jaanong ka goduma moo fa a atamela mathothapelo. Mme fela se se tshwanang le seo ke go tla ga letsatsi la katlholo ga goduma ga matshwititshwiti a mantswe a go atholela gore ga o a ka wa tsibogela pele ga go nna tlhari. Sekegela tsebe mo oureng eno. Gonne mo nakong eno dikakanyo tsa gago di a gatisiwa kwa legodimong. Koo dikakanyo tsa gago di buela kwa godimo go gaisa mafoko a gago. Jaaka Mofarasai yo o neng bolela thata ka melomo wa gagwe, mme ba sa reetse Lefoko la Morena,

pelo ya gagwe e ne ya senyega le bosula go fitlhelela go nna tlhari, le gone jaanong e ka tswa e le pitso ya gago ya bofelo go utlwa Lefoko le go le amogela go tsena mobotshelng jo bosakhutleng. Go tla bo gole tlhari ga o atameladumo wa mantswe a katlholo le matlhotlhapelo.

Mme a le kile la lemoga ka fa modumo wa metsi o kgonag go nnamonate le go lapolosa ka teng? Ke rata go tshwara ditlhapi, gape ke rata go bata lefelo metsing fa makhujwaneng a sumelang kwa tlase. Ke kgona go kanamaka bo reetsa a bua kagiso le boitumelo le gokgotsofala ga pelo. Ke iumetse jang go bo ke itshetletse mo lefelong la boikhutso kwa lentse la Morena le buang kagiso, kaaka Lefoko la metsi a ikgaoganyo a setse a boletse. Ka fa re tshwanelwang ke go re lebogela go utlwa Lentswe la Gagwe la lerato le tlhokomelo le Kaelo le Tshireletso. Mme le tsatsi lengwe re tla utlwa lone lentswe le le monate lele tshwanang le bua, eseng mo katlholong, mme le re amogela rona ba dibe tsa rona di tlositsweng ka madi a Gagwe, ba matshelo a rona a setseng a tladitswe ka Mowa o o Boitshepho. Ke eng se se kannang tlhwatlhwakgolo go gaisa go utlwa matshwititshwiti a mantswe a kamogelo le go dikologwa ke matshwititshwiti ao ba ba dumetseng mo bosakhutleng? Oo, oh ga gona se se tshwanag le gone. Ke rapela gore le utlwe lentswe la Gagwe mme le se thatafatse dipelo tsa lona, mme le Mo amogele jaaka Kgosi ya lona.

Oo, ga le ne le ka go lemoga. E ne e le metsi a a neng a senya lefatshe, mme ene ele one metsi a a tshwanang a a neng a boloka Noa gape a bolokela Noa lefatshe lotlhe. Reetsang lentswe la Gagwe, le lentswe la bathanka ba gagwe, jaaka ga le biletsa batho boikwatlhalo le botshelo.

Mo Letsogong la Gagwe la Moja Gone Go na le Dinaledi tse Supa.

"Mme o ne ana le dinaledi tse supa mo seatleng sa gagwe sa moja." Jaanong ee re setse re itse go tswa mo temaneng ya masome mabedi gore dinaledi tse supa di raya eng tona. "Mme masaitsegeng a dinaledi tse supa ke baengele (barongwa) ba dikereke tse supa." Jaanong re re sa kake ra dira phoso fa ka ntlha epefela, ka gore O a re e senolela. Baengele ba ba basupa ke barongwa ba dipaka tse supa tse di latelelanang tsa dikerekeka. Ga di a bitswa ka maina. Ba thomilwe ba le basupa, paka nngwe le nngwe e na le morongwa a le mongwe. Go tswa mo Pakeng ya Baefeso go tla go tsena mo Pakeng eno ya Laodikea morongwa mongwe le mongwe o ne a tliša molaetsa wa nnete mo bathong, ga ba ise ba palelwe ke go o tshegetsa Lefoko la Modimo la paka epefela. Mongwe le mongwe wa bone o ne a le tshegetsa. Bane ba thomame mo boikanyegong ja bone mo leseding la tshimologong. Jaaka paka nngwe le nngwe e ne e gogela kgakala gotswa mo go Jeso, barongwa ba Gagwe ba ba ikanyegang bane ba busetsa morago go boela mo Lefokong. Bokhone ja bone bone botswa mo Moreneng eseng jalo ba ne ba ka bo ba sa kgona go fekeetsa bolejo jo bo neng bo tswetse ka go oketsega. Bane ba sireletsegile mo thokomelong ya Gagwe, gonne go ne go se sepe se se neng se ka ba ngaporolola go tswa mo diatleng tsa Gagwe, gape go ne go se sepe se se neng se ka ba kgaoganya le lerato la Modimo, a e ka nna bolwetse, kotsi, bosaikatega, leuba, botshelo kana leso. Bane ba ineetse ka boammaruri mo go Ene mme ba ne ba tshegeditswe ke bothataesi ja Gagwe. They were truly yielded to Him and kept by His omnipotence. Bane ba sa kgatlhalele dipogisego tse ba neng ba kobana le tsone mo tseleng ya bone. Bane ba na le kutlobothoko gape ba tshotlego mme go ne go tšisa kgalaletso kwa Modimong gore ba ne ba kailwe ba tshwanela ke go boga ka ntlha ya Gagwe. Mme ka go lebogela poloko ya Gagwe ba ne ba tuka ka lesedi la botshelo ja Gagwe mme ba bontsha lerato la Gagwe, bopelotelele, boikokobetso malebogong, bokgwago, bonolo, boikanyego. Mme Modimo o ne a a ba eme nokeng ka dikgakgamatso leditshupo, metlholometlholo. Bane ba bonwa molato gore ba feteletse thata mo tumelong. Bane ba kgalwa ke makoko mme ba sotliwa ka go jewa ditshego, mme ba ne ba tshegetsa Lefoko.

Gompiano ga go thata go ema le go tshegetsa le gonna boammaruri mo thutong ya bodumedi. Go motlhofo, gonne diabole o mo go gone gotlhe. Mme ke sengwe se sengwe go nna boammaruri mo Lefokong la Modimo le go boela mo Lefokong la kwa tshimologong le le neng la ntshiwa nna teng morago ga Pentekosete.

Ga go lebaka monna mongwe o ne a nthaya a re kereke ya Roman Catholic ke yone e katswang ya bo e le ya boammaruri ka gore e sale e tloga ka gale e le boammaruri mo go se e se dumelang mo dingwageng tse di ntsi, gape e tswetse e ntse e gola gape e sa fetoge. Ga goa nna jalo gotlhelele. Kereke nngwe le nngwe e e ka fa tlase ga taolo ya ga goromente, le e e nang le dithuto tumedi tsa yone tse di seng tsa Lefoko la Modimo gotlhelele, gape e sena bodiredi jobo gwetlhang diabole, e le ruri e ka tswelela. Seo e ne e se sesupo. Mme ga o akanya ka ga setlhopha se se nyenyane se maloko a sone a neng ba phatogangwa ka di shaga, ba jeswa ditau, ba bogisiwa le go kgarakgatshwa ka tshotlo mme ba tshela legape ba nna boammaruri mo Lefokong - jaanong seo ka nnete e tshwanetse ya bo e le Modimo. Ka ga ba falotseng dintwa tsa bone mme ba tswelela fela: SEO ke metlholo.

Mme kgomotso e ga se fela ya barongwa ba dipaka tsa dikereke tse supa. Modumedi mnngwe le mongwe yo o mo seatleng sa Modimo gape a kgona go dirisa Lerato le nonofi ya Gagwe, le go amogela tshologelo molemo e e tletseng ya se Modimo a leng sone mo modumeding. Se Modimo a se fang morongwa, le ka fa a segofatsang le kafa a dirisang morongwa, ke sekai sa tshiamo le tlhokomelo ya Gagwe go badumedi BOTLHE ba e leng dikarolo tsa a mmele wa Gagwe. Amene.

Tšhaka e e Magale Mabedi.

"Mme mo molomong wa gagwe go ne gotswa tšhaka e e magale mabedi.."

Mo go Bahebere 4:12,

"Gonne lefoko la Modimo le tshedile, le tlhaga, le bogale go feta ditšhaka tsotlhe tse di magale mabedi, mme le tlhabe le ye go kgaoganya pelo le mowa, ditokololo le moko, le bofefo go lemoga megopolo le maikaelelo a pelo."

Mme mo molomong wa gagwe go ne gotswa tšhaka e e magale mabedi mo eleng LEFOKO LA GAGWE. Tshenolo 19:11-16,

"Mme ka bona legodimo le bulegile, mme ka bona, ga bo go le pitse e tshweu, le yo o e pagameng a bidiwa, Boikanyego le Boammaaruri, a athola, a bile a dira ntwaga mo tshiamong.."

Matlho a gagwe ene e kare kgabo ya molelo, mme mo tlhogong ya gagwe a rwele go ne go na le dikorone; mme One a na le leina le le neng le kwadilwe, le lle neng le sa itsiwe ke motho ope, ga e se Ene fela.

Mme o ne a apere purapura e e inetsweng mo mading: mme Leina la Gagwe e ne e le Lefoko La Modimo.

Mme batlhabani ba ba neng bale mo legodimong ba ne ba palame dipitse tse di tshweu ba mo setse morago, ba apere leloba le le ntle le le boleta, le lesweu le phepa.

Mme mo molomong wa Gagwe go ne gotswa tšhaka, gore ka yone o tshwanetse go kgemetha a ganyaole dichaba: gape o tla ba busa ka thobane ya tshipi: gape o tla gataka bogatisetso ja mofine ja bogale le tshákalo ya Modimo Mothatayotlhe.

Mme o ne a apere purapura ya Gagwe gape mo seropeng sa Gagwe go ne go kwadilwe leina le gotweng, KGOSI YA DIKGOSI, LE MORENA WA BARENA."

Johane 1:48,

"Nathanaele a mo raya a re, O Nkitsile Jang? Jesu a mo fetola moraya a re, pele ga Filipino a go bits, ga o ne o santse kafa tlase ga setlhare sa mofeige."

Ke eo. Ga atla, Lefoko leo le ta ta kगतलhanong le dichaba tsotle le batho botlhe. Mme ga ope yo o tla kgonang go ema kगतलhanong le lone. Le tla senola se se ta bong sele mo pelong nngwe le nngwe jaaka Ane a dira le Nathaneele. Lefoko la Modimo le tla supa yo o dirileng thato ya Modimo le yo o sa e dirang. Le tla dira gore ditiro tsa diphiri tsa motho mongwe le mongwe di itsege le gore keng a ne a di dira. Le tla kgaoganya le phatoganya. Ke sone se e se buang mo go Baroma 2:3,

"Mme wena akanya se, Oo motho ke wena, o athololang ba ba dirang dilo tse di ntseng jalo, mme le wena wa bo o di dira, gore wena o tla falola katlholo ya Modimo?"

Gotswa foo e tswelala e supa ka fa Modimo a tsileng go ba athola. Ke fa mo temaneng ya bo 5 to 17. Pelo e e senang boikwatlhao e e thata e tal atholwa. Ditiro di tla atholwa. Maikaelelo a tla atholwa. Go tla bo go sena tlotlo epe fa pele ga Modimo; mme tsotlhe di tla atholwa ka Lefoko leo, ga gona ope yo o tla e falolang. Ba ba utwuleng mme ba seka ba reetsa ba tla athalolwa ka se ba se utluleng. Bao ba ba neng ba ikaega ka lone ba re a le dumela, mme ba seka ba le tshela, ba tla atholwa. Sephiri sengwe le sengwe se tla tswa mo pontsheng mme se goe le lwe gotswa kwa godimo ga matlo. Oo, ke gone re tla tlhologanyang ditso. Go tla bo go sena masaitseweng ape a a setseng gotswa mo dipakeng tsotle.

Mme a le itse gore O senola diphiri tsa dipelo tsa banna le basadi mo pakeng e e re tshelang mo go yone? Ke mang fela yo o ka senolang diphiri tsa dipelo ga e se Lefoko, ka bo Ene? Bahebere 4:12,

"Gonne lefoko la Modimo le tshedile, le tlhaga, le bogale go feta ditšhaka tsotlhe tse di magale mabedi, mme le tlhabe le ye go kgaoganya pelo le mowa, ditokololo le moko, le bofefo go lemoga megopolo le maikaelelo a pelo."

Ke Lefoko. Le bereka kwa le rometsweng gone, gonne (Lefoko) le tletse ka maatla. Ke one Mowa o o tshwanang o o neng o le mo go Jesu (Lefoko) o o leng teng gape mo kerekeng mo pakeng e ya bofelo jaaka sesupo sa bofelo sa go leka go falotsa batho katlholo, gonne ba ba tla Mo (Lefoko) ganang ba setse ba tsile mo katlholong, ba Mo bapola sesa. Bahebere 6:6,

"Gaba ka wa mo tumelong, go ba shagatsa gape gore ba ikwatlhae; re lemoga gore ba ipapolela Mora Modimo sesha, mme ba mo tlabisa ditlhong mo pontsheng."

Jaanong Paulo o ne a re Lefoko le tsile ka maatla le ka lentswe. Tota Lefoko le le neng la reriwa le ne la itshupa. Jaaka kgabo, tsháka le ne la tsena mo matswalong a batho, mme jaaka thipa ya ngaka e sega e kgaola malwetse la bo golola batshwarwa. Gongwe le gongwe ko badumeding bao ba gale ba ne ng aba goya, "bane ba tsamaya ba rera Efangeli (Lefoko) mme Modimo a tlhomamisa Lefoko leo ka go latelwa ke ditshupo." Balwetse ba ne ba fodisiwa, matimone a ne a kgaphelwa kwa ntle, gape ba ne ba bua ka diteme. Seo e ne e le Lefoko mo tirong. Lefoko leo ga le ise le ko le palelwe mo melomong ya Bakeresete ba ba dumelang. Mme mo pakeng e ya bofelo le fano le le nonofile thata gape le legolo go gaisa jaanong mo monyadiweng wa Lefoko wa nnete wa Lefoko. Oo, letsomanyane, lona ba leseng bantsi ka palo le tshwaretse mo Lefokong, tlatsang melomo le dipelo tsa lona ka yone, mme letsatsi lengwe Modimo o tla le fa puso ya Gagwe.

Sefatlhego sa gagwe jaaka Letsatsi.

"Mme sefatlhego sa Gagwe se ne se tshwana le letsatsi le phatsima mo nonofong ya Gagwe."

Mathaio 17:1-13,

"Mme e rile malatsi a le maratara a sena go feta, Jesu a tseela Petere, Jakobe le Johane monnawe, kwa thoko, a ba tlhatlosetsa mo thabeng e e godileng,

Mme a ya a fetoga ponalo fa pele ga bone; sefatlhogo sa gagwe sa phatsima jaaka letsatsi, le diaparo tsa gagwe tsa nna ditshweu jaaka lesedi.

Mme ga bonala kwa go bone Moše le Elija, ba bua mmogo nae.

Mme Petere a raya Jesu a re, Morena, go molemo go rona go nna fa: fa O rata, a re ageng metlaagana e le meraro fano; mongwe e nne wa gago, o mongwe e nne wa ga Moše, o mongwe e nne wa ga Elija.

Ya re a sa ntse a bua, bonang, leru le le sedifetseng la ba okama; mme bonang, lentswe la tswa mo lerung la re: "Yo ke morwaake yo rategang, yo ke kgatlhegang thata mo go ene; lo utlweng Ene.

E rile barutwa ba le utlwa, ba wela fa fatshe ka difatlhogo, ba boifa thata.

Mme Jesu a tla a ba ama a re, Tsogang lo eme, se boifeng.

Ya re ba tsholetsa matlho, ba se ka ba bona ope fa e se Jesu a le esi fela.

Mme ya re ba fologa mo thabeng, Jesu a ba laola a re, lo se ka la bolelela ope ponalo e lo e bonyeng, go fitlhelela Morwa Motho a tsosiwa gape mo baswing.

**Mme barutwa ba gagwe ba mmotsa, ba re, Ke go reng fa bakwadi ba re Elija o tshwanetse gotla pele?*

Mme a ba fetola a r, Ruri Elija o etla, mme o tlaa tsosolosa dilo tsotlhe.

Mme ke lo raya ke re, le jaana Elija o setse a tsile, mme ga ba a ka ba mo itse, ba ne ba mo direla ka fa ba ratang ka teng. Morwa Motho le ene o tlaa bogisiwa ke bone fela jalo.

Ke gone barutwa ba tlhaloganya fa a bua nabo ka ga Johane Mokolobetsi."

Jaanong mo go Mathaio 16:28, ele ketapele ya Mathaio 17:1-13, Jesu o ne a re,

"... Go bangwe ba bone ba ba emeng fa, ba ba se ketlang ba utlwa loso gope, go tsamaya ba bona Morwa Motho a tla mo bogosing jwa gagwe pele."

Mme baaposetoloi ba bararo bane ba bona sone seo fela - eleng thulaganyo ya go tla ga Gagwe. Bane a mmona a fetoga gone kwa godimo ga thaba. Seaparo sa Gagwe se ne se phatsima bosweu le sefathego sa gagwe se phatsima jaaka letsatsi la motshegare wa sethoboloko. Mme foo fa ane a bonagala, gone go eme Moshe le Elija mo matlhakoreng otlhe. Ke gone ka fa a tlang ka teng gape. Ka nnete Elija o tla tla lantlha mme a fetole dipelo tsa baba (monyadiwa) go boela ko go tsa borraarona (Thuto ya Lefoko la Aposetoliki). Malaki 4:5,6,

"Bonang, ke tlaa roma Elija moperofeti kwa go lona pele, ga motlha o mogolo le o o boitshegang wa ga Jehofa o ise o tle:

Mme o tlaa sokololela pelo ya borrabana mo baneng ba bone, le pelo ya bana kwa go borraabo; e se re kgotsa ka tla, mme ka itaya lefatshe ka phutso."

Maiseraele e setse e le chaba. E setse e tlhomilwe jaanong ka batlhabani, sesole sa lewate, tamaiso ya poso, folaga, le tshotle tse di maleba go nna dilo tsa sechaba. Mme go santse go na le Ditemana tse

di tshwanetseng go diragadiwa e e reng, "... kana chaba e tla tsalwa gangwe?..." Isaia 66:8. Letsatsi leo le etla ka bonako. Setlhare sa mofeige se setse se tlhoga dikungwanyana. Baiseraela ba emetse Mesia. Ba Mo solofetse gape tsholofelo ya bone e tloga e diragala. Iseraele e tlabo e tsalwa gape mo Seweng, gone Lesedi la gagwe le botshelo ja gagweo toga a bo senolelwa.

Mo go Tshenolo 21:23,

"Mme toropo ga e tlhoke gore letsatsi le o phatsimele, le fa e le kgwedi; gone kgalalelo ya Modimo o nea o bonesa, gape Kwana ke lesedi teng."

E ke Jerusalema yo Mosha. Kwana e tla bo e le mo toropong eo, mme kagore o tla bo a le teng, lesedi le tla bo le sa tlhokege Letsatsi ga le ketla le tlhaba le go phatsima koo, gone ke Ene Letsatsi le Lesedi teng, ka Boene. Dichaba tse di tlang mo go yone ditla tsamaya mo leseding la Ggagwe. A ga le itumelele gore letsatsi leo le setse le gorogile? Johane o bone letsatsi leo letla. Lefa go ntse jalo Morena Jeso, tla kabofefo!

Malaki 4:1-3,

"Gonne bonang letsatsi le etla, le le tla tukang jaaka leiso la boubelo: botlhe ba ba mabela, ee, le botlhe ba ba dirang boikepo ba tlaa nna dirine: mme letsatsi le le tlang le tla ba fisa, go bua motlha o o tlang o tlaa ba laila," go bua Morena wa Masomosomo, ga o ketla o ba tlogelela le fa e le modi kana kala.

Mme lona lo boifang leina la me, Letsatsi la tshiamo le tlaa le tlhabela, ka phodiso mo diphukeng tsa lone; mme lo tswela kwa ntle, lo tla gola jaaka dinamane tsa lesaka.

Mme le tlaa gataka baikepi; gone ba tla bo ba le molora ka fa tlase ga dinao tsa lona mo letsatsing le ke tla dirang se ka lone, go bua Morena wa masomosomo."

Ke eo gape. LETSATSİ le phatsima kwa ntle ka maatla a lone yotlhe. Oo, maatla a Morwa Modimo a phatsima mo gare ga ditlomo tsa dikerese tsa gauta tse supa. Gone foo o eme, eleng Moatlhodi, Ene yo o bogileng le go re swela. O ne a itlamago tsaya bogale ja Kotlao ya Bomodimo. O ne A gatisa segatisetsong sa mofine sa tshakgalo e e boitshegang le bogale ja Modimo A le nosi. Jaaka re setse re boletse, mo moleufing lentswe la Gagwe le tshwana jaaka modumo wa mosumo wa makhubu a metsi a loso mo lotshitshing le le matlapa. Mme mo baitsheping, lentswe la Gagwe le tshwana jaaka modumo wa moopelo o o monate wa molatswana jaaka fa o kaname o ikhuditse, o kgotsofetse mo go Jeso. O re phatsimela ka marang a Gagwe a a thuthafatsang a lorato A re, "Le se boife, Ke Nna Yo o Neng Ale, Yo o Leng, O o Tlang; Ke nna Mothatayotlhe. Ko ntle game ga gona ope yo mongwe. Ke Alefa le Omega, eleng GOTLHE ga one." HKe sethunya sa mokgatshame, Naledi e e Phatsimang ya Moso. Ke ene yo o montle thata mo moweng wame go gaisa ba ba didikadike tse di lesome. Ee, letsatsi le legolo leo le tloga le tlhaba le Letsatsi la Tshiamo le tla tlhaba ka phodiso mo diphukeng tsa Gagwe.

Keresete wa Mofenyi.

Tshenolo 1:17,18,

"Mme ya re ke mmona ka wela fa dinaong tsa gagwe, ka sala ekare ke fela. mme a mpaya seatla sa gagwe sa moja a re, O se ka wa boifa; Ke Nna wa Ntlha le waBbofelo;

Ke nna yo o tshelang; mme ke ne ke sule; mme, bonang, ke tshela ka bosakhutleng; Amene; mme ke ke tshotse dilotele tsa bobipo le lesa."

Ga gona motho yo o kakgonang emela kafa ponatshegelo eo e amang ka teng. Johane o ne a gosomana a wela fa tlase ga dinaong tsa gagwe, jaaka motho yo suleng a feletswe ke nonofo. Mme one a angwa ke seatla ke seatla sa Morena ka lorato, le lentswe la tshegofatso le ne la re, "Se boife. O seka wa tshaba. Ke nna wa Ntlha le wa Bofelo. Ke nna motshedi, ke ne ke sule, mme bonang, ke tshedile ka bosakhutleng." Go na le eng foo se se ka boifiwang? Ene e le katlholo ya rona e e neng ya Mo wenla kwa sefapanong, kwa phuphung.. One emelela di matlhoko a dintho tse di bakilweng ke dibe tsa rona, mme jaano ga gona go latofadiwa mo go ba o ba ba mo go Keresete Jeso. Le a bona ka bonnete "Mmuedi" wa rona ke "Moathodi" wa rona. He is both "Mmuedi" le "Moathodi." Jaaka Moathodi "Kgetsi e fedile" - go weditse. Jaanong ga gona go latofadiwa. Ke eng kereke e ka nna le boifo? Ke efe tsholofetso e a kileng a palelwa ke go bonagatsa mo gareng a rona? Ke eng e kereke e ka tshaba kotlhao kana lesa? Gotlhe go fentswe. Mofenyi yo o mogolo ke yo. Fa ke Ene yo o neng a Fenya mahfatse ka bobedi eleng lefatshe le le bonalang le lele sa bonaleng. Eseng jaaka Alexander, yo o neng a fenya lefatshe a le dingwaga dile masome mararo le boraro mme o ne a seka a itse tsela epe enngwe ya go tswelela a fenya, jalo sule a ne a tshela botshelo ja khuduego gape one a nna motswasetlhabelo wa sebe. Eseng jaaka Napoleon, wyo o neng a fenya Europe yotlhe mme a felela a fentswe kwa Waterloo mme a kobelwa kwa Elba, mme a iphitlhela a fentswe. Mme ga gona sepe se se ka fenyang Keresete. Yo o neng a fologela fa tlase yo jaanong o tlhatogetse godimo ga botlhe, mme o ne a fiwa Leina le le kwa godimo ga

leina lengwe le lengwe. Ee, one a fenya leso, bobipo, le phupu, mma ona le dilotlolo tsa tsone. Se A se gololang se golotswe, gape se a sebofang se bofilwe. Ga gona ka fa go ka fetoga ka teng. Go ne go sena mofenyi ope pele ga Gagwe gape ga gona ope nteng le ene. Ene Ale esi ke Mmoloki, ke Morekolodi. Ke Ene FELA Modimo: le "Morena Jeso Keresete" ke Leina la Gagwe.

"Ose boife, Johane. Le seka la boifa , letsomanyane. Sotlhe se ke leng sone, le bajaboswa ja sone. Maatla otlhe ame ke a lona. Bothatayotlhe jame ke ja lona jaaka ke ema mo magareng a lona. Ga ke a tla go tsisa poifo le go palelwa, mme ke tsisitse lerato le kgotlhatso le bokgoni. Maatla otlhe a filwe Nnae mme ke a lona go a dirisa. Wena bua Lefoko mme ke tla le diragatsa. Seo ke kgolaganyo yame mme ga e ketla e palelwa."

Dinaledi tse supa Le Ditlomo tsa dikerese

Tshenolo 1:20,

"Masaitseweng a dinaledi tse supa tse o di bonyeng mo seatleng Same sa moja, le a ditlomo tsa dikerese tse supa tsa gauta. Dinaledi tse supa ke baengele (barongwa) ba dikrreke tse supa: le ditlomo tse supa tsa dikerese ke kereke tse supa."

Re setse re lemogile boammaaruri ja masaitseweng a mabedi a. Oo, ga re ise re senole gore barongwa ba ba supa gore ke bo mang, mme ka thuso ya Modimo re tla di senola mme masaitseweng ao a tla bo a weditswe. Dipaka tse supa tse re di itseng. Di kwadilwe mo Lefokong, mme re tla lebana le tsone ka bongwe gore re fitlhelele mo go e ya bofelo e re tselang mo go yone.

Mme ga re latlhela bofoku kwa bofelong ja kgaolong , re Mmona jaaka A eme foo mo gareng ga ditlomo tsa diponetsa gauta A tshwere dianledi tse supa mo letsogong la Gagwe la moja. Oo, ke pono e e jesang kgakge, go Mmona a ema foo a le mo BoModimong ja Gagwe. Ke Moatlhodi, ke Moperesita, ke Kgosi, ke Ntsu, ke Tau, ke Alefa ke Omega, ke Mosimolodi le le Bofelo, ke Rara, Morwa, Mowa o o Boitshepho, Ene Yo o neng Ale, Yo o leng, Yo o Tlang, Mothatayotlhe, o GOTLHE. Ke Ene yo, eleng Mosimolodi le Mofetsi. Kwana yo o nang le Tshwanelo! One a rurafatsa tshwanela ya Gagwe jaaka a ne a reka poloko ya rona ka Boene. Jaanong o eme ka maatla a Gagwe otlhe le kgalaleo ya Gagwe ka dilo tsotlhe tse di tsitsitsweng fa pele ga Gagwe go di athola jaaka ele Moatlhodi.

Ee, O eme foo magareng ga ditlomo tsa dipone, a tshwere dinaledi mo seatleng sa Gagwe. Go bosigo , ke gone ga re dirisang dipone gore re bonese, mme ke gone dinaledi di bonwang di phatsima di phatsimisa lesedi la letsatsi. Mme go lefifi. Kereke e tsamaya ka tumelo mo lefifing. Morena wa gagwe o tlogetse lefatshe le mme Mowa o o Boitshepho o ntse o phatsima mo kerekeng, o o fa lesedi lefatshe le le fufutsitsweng ka sebe. Mme dinaledi tseo di phatsimeisa gape lesedi la gagwe. Lesedi le ba nang le long ke lesedi la gagwe. Go lefifi jang - go tsidifalo ya semowa jang. Mme ga A tla mo magareng go nna lesedi le bothitho, mme kereke e nonotshitswe mme ka Ene o dira ditiro tse A neng A di dira.

Oo, e kare re ka mmona jaaka Johane. Re tshwanetse ra nna bathoi ba ba ntseng jang, fa re eme fa pele ga Gagwe ka letsatsi leo!

Ga o ise o neele botshelo ja gago mo go Ene, a o ka retololela pelo ya gago kwa Modimong mo nakong eno, mme o khubame fa fatshe gone fa o leng teng, mme o Mo kope boitshwarelo ja dibe tsa gago, mme o ineelebotshelo ja gago mo go Ene. Mme rotlhe re tla leka go atamela Dipaka tsa Dikereke tse Supadikereke tsa supa; mme jaaka fa re dira jalo ke rapela gore Modimo a thuse mothanka yo yo senang tshwanelo gore a le senolele Lefoko la Gagwe mo go lona.



www.messagehub.info

Thero Ka

William Marrion Branham

"... Mo Metlheng ya Lentswe la Moengele wa Bosupa ..." Tshenolo (10:7)